

Maskuri dantza, urtez urteko kale jolasa eta astindu latza

INAKI BASTARRIKA

Edozein herri-tako jaietan beti izaten da ikuskizun edo ekintza bereziren bat herri horretan soilik egiten dena eta gainera tradizionala dena. Hernanin Maskuri-dantza da ezbaierik gabe erritu aipagarri hori. Aintzinako sanjoanetan Hernanin Axeri-dantza izenez dantza saio multzo bat dantzatzeko zuten herriko dantzariak, horien artean gaur egun San Juan jaietan dantzatzeko den Maskuri dantza. Dantza hauetako gehienek, nola ez dakigula, galtzeko zoritxarra izan zuten eta eginahalak egin arren ezin izan dituzte berreskuratu. Sorta haietatik Maskuri dantza bakarrik gorde da gaurdaino.

Dantza-agertaldi hau hamahiru dantzarik dantzatzeko dute, batek taldetik aparte axerilarrua buruan duela dantzatzeko duelarik. Hamabi dantzari ezker eskuz Y formako sokari heltzen diote eta eskuineko eskuan maskuri edo puxika puztu bana daramate; eskuarki herriko gizasamerik



Dantza-agertaldi hau hamahiru dantzarik dantzatzeko dute, eta taldeko batek taldetik aparte axerilarrua buruan duela dantzatzeko du. Hamabi dantzari ezker eskuz Y formako sokari heltzen diote eta eskuineko eskuan maskuria daramate.

sendo eta gihartsuenak izaten dira partaideak. Txistuen doinura egiten dute dantza sokari helduta eta txistulariek putze-giteari uztean, ikusleak sokaz inguratzen dituzte eta maskuriez gogor kolpatzen dute soka artean harrapatu duten oro.

Ikusgarria gertatzen da dantzataldea Hernanin kaleetan sartzen denean sortzen den zurrumbiloa eta iskanbila; dantzariak txistu eta danbolinen doinua bukatzen somatzen duten bezain pronto, sokak ematen duen guztiaz baliatuz,

ahalik eta jenderik gehien inguratzen saiatzen dira, maskuriez astinaldi bat eman eta bero bero eginda uzteko.

Jakin ahal izan dugunez garai batean bi sokaz egiten zuten agertaldia. Halaber ezaguna da garai batean balkoietan behera sokatik zintzilikatzen zirela, eta xuxez etxe jakia eskatu eta bukaeran bazkari bat egiteko. Maskuri dantza ekainaren 24, 25 eta 26an egiten dute goizeko bederatzietan; azken urteetan jarraian dantzatu dute hutsik egin gabe.



I. MARTIARENA

BIASTERIN San Juan bezperan eta hilaren 29an egiten direnak dituzte ospakizun ezagunenak. Etzi 17.30etan herriko bandera eskainiko diote Ama Birjiñari eta ondoren bezperak eta salbea kantatuko dituzte San Juan parrokiak.

DONIBANE LOHIZUNEN goizeko hamarretan taberna mutilen lasterketa izango da. Ordubietan pilota jaialdia, eskuz eta palaz, Maitena trinketea. 17.00etan udal frontoian txistera partiduak izango dira. 22.00etan San Juan sua egingo da udaletxea eta elizaren aurrean Begiraleak dantza taldea, udal banda eta L'Harmonie taldearekin. Ondoren talde beraren kontzertua Luis XIV plazan. Txaranga musika egun osoan izango da.

HAZPARNEKO Chapitalia kiroldegian gaur hasiko den tenis txapelketak zabalduko ditu jaiak. Txapelketa osteko txapelketak ere izango dira.

LARRAÑEKO jaien egitarauan gaur arratsaldeko lauretan egingo den mendi ibilaldia da nagusi. Gaueko hamarretan berriz dantzaldia izango da herriko plazan.

BELAUNTZAN ilunabarrean kalejira egingo dute. Ondoren Laja eta Landakandak animatuko duten herri afaria eta trikitixa saioa goizaldera arte.

PASAI Donibanen bihar arte ez dira hasiko jaietako ekintza nagusienak. Goizean goiz sokamuturra egingo da, egunean zehar kalejirak, pilota partiduak eta arratsaldeko seietan Mikel Pregoren omeneko traineru estropada.

URRETXUKO Aldiri kiroldegian Los excluidos eta Ma-lebaje pop musika taldeen emanaldia izango da gaur 22.00etan. Biher 20.00etan, leku berean, Os Resentidos musika talde galiziarra izango da. Ondoren, 21.30etan txistulariek kalejira eskainiko dute eta 22.30etan Gernikako Arbolaren plazan San Juan sua egingo da dantzari, abeslari eta txalapartarien partaidetzarekin.

OLABERRIAN Eganen berbena izango da astelehenean, San Juan egunean. 13.00etan Oroit abesbatzaren kantaldia izango da. 19.00etan euskal artesauen erakusketa. Gaueko hamar t'erdietan herriko gazteek eskainitako antzerki lana ikusteko aukera izango dute olaberritarrek.

Auto-HERNANI S.A.



OPEL

GME

EKAINA

ESKAINITZA EDERRA

200.000 pta.rainoko deskontua zure OPEL BERRIAN

SALNEURRI BEREZIAK

GME-Midi Furgonetarekin

Konponketa lanak eta karrozeriarenak bertan, azken aurrerapen teknikoekin

Akarregi, 25 HERNANI Tfna.: 55.77.25

*San Juan jaiak
alaitsu eta paketsu
igaro ditzaten
opa die Hernaniko Udalak
hernaniar guztiei*

